

欽定四庫全書

子部

普濟方卷一百七十六



南京中医药大学图书馆版权所有

欽定四庫全書

普濟方卷一百七十六

周王朱橚撰

瘡漏門

總論

瘡者本起於腎虛或食肥美之所發也腎為少陰膀胱為太陽膀胱者津液之府也腎行陽氣上蒸入肺流化

流注經絡五臟六腑之氣皆賴其養黃者血之餘也燥者五

臟之氣鹹者潤下之味也腰腎冷者陽氣已衰不能蒸
上穀氣盡下而為小便陰陽阻隔氣不相榮故陽阻陰
而不降陰無陽而不昇上下不交故成疾矣夫消者消
渴消中消腎也此由少年服乳石熱藥耽嗜酒肉葷辛
熱麵炙煇荒淫色慾不能將理致使津液耗竭元氣受
克熱毒積聚於心肺腥羶并傷於胃腑脾中受熱水臟
乾枯四體尪羸精神恍惚口苦舌乾日加躁渴飲水多
而小便少者消渴也喫食多而飲水少小便赤黃者消

中也飲水味甘隨飲便下小便而白濁腰腿痠瘦者痠
腎也斯皆五臟精液枯竭經絡血澁榮衛不行熱氣留
滯遂成斯疾矣 渴病有三曰痠渴痠中痠腎渴屬
心故煩必致心火散漫渴而引飲經云脈軟散者當病
痠渴諸脈軟散皆氣實血虛也痠中屬脾脾熱則成為
痠中復有三中寒中熱中強中寒中陰勝陽鬱久必為
熱中經云脈洪大陰不足陽有餘則為熱中多食數洩
為寒中陰狂興盛不交精泄則為強中三痠病至強中

危矣消腎屬腎盛壯之時快情縱慾年長腎衰多服丹石之所致經云腎實則消不渴而小便自利名曰消腎亦名內消 消渴以渴而不利引飲過甚言之消中以不渴而利熱氣內消言之消腎以渴而復利腎燥不能制約言之蓋以上盛下虛心脈多浮腎脈必弱故經云脈洪大陰不足陽有餘則為熱中即消熱氣上騰心虛受之病屬上焦謂之消渴熱蓄於中脾虛受之病熱中焦謂之消中熱伏於下腎虛受之病屬下焦謂之消腎

凡三疝肺疝腎疝可治惟有脾疝不可治肺疝熱在上焦可用涼藥如黃連等皆可用此疾多出於飲酒人冬月盛寒多以葱椒鳩鴿煮酒或加食熱麪遂得此疾故可用涼藥解之如脾疝則飲食入腹如湯澆雪隨小便出落於溷僻清渠中凝結如脂日可倍食數餐膚腹日益消瘦用熱藥則熱愈甚用涼藥則愈見虛羸故無治腎疝者渴而多飲水小便白濁肌膚雖日消瘦然小便不如脾疝之凝結堅硬飲食亦不倍多是腎虛弱心氣

渙散所致故可補心腎去煩熱則其疾可愈 天地自

太虛至黃泉有六位人身自頭至足亦有六位人胃腹
之間自肺至腎又有六位故立天之氣曰金與火立地
之氣曰土與水立人之氣曰風與火故金火合則熱而
清水土合則濕而寒風火合則溫而炎肺最在上為金
主燥清心次為君火主熱肝又次之為風主溫膽又
次之為相火主極熱又次之為濕土主涼腎又次之黃
泉為寒水主寒故肺象天脾腎象地肝膽象人夫土為

萬物之本水為萬物之元水土合德以陰居陰同處乎下以立地萬物根於地是故水土濕寒若燥熱陽實則地之氣不立萬物之根索澤而枝葉為枯由是觀之則五臟六腑四脉百體皆稟受於脾胃行其津液相與濡潤滋養今醫者故以燥熱之劑養脾胃濕土之氣不亦舛乎消渴本濕寒之陰氣極衰燥熱之陽氣太甚更服燥熱之藥則脾胃之氣竭矣叔世不分五運六氣之虛實而一槩執熱為實而寒為虛彼但知心火陽熱一氣

之虛實而非臟腑六氣之虛實也。蓋肺本清虛則溫，心本熱虛則寒，肝本溫虛則清，脾本濕虛則燥，腎本寒虛則熱。假若胃冷虛者，乃胃中陰水寒，氣濕甚而陽火熱，氣衰虛也。非胃土溫氣之本衰，故當溫補胃中陽火之衰退。其陰水寒氣之甚，又如胃熱為實者，乃胃中陽火實而陰水虛也。故當以寒藥瀉胃中之實火而養其虛水。然此皆補瀉胃中虛熱水火所乘之邪，非胃為實者之本也。夫補瀉脾胃濕土之本氣者，潤其溫是補，燥

其溫是瀉土本濕故也凡臟腑諸氣不必腎水獨當寒
心火獨當熱要知每臟諸氣和同宣而平之可也是故
水少火多為陽實陰虛而病熱也水多火少為陰實陽
虛而病寒也其為治者瀉實補虛以平為其道可矣故
治消渴者補腎水之陰虛而瀉心火之陽熱除腸
胃燥熱之甚漸使津液生而不枯氣血利而不澁則病
日已矣 三消者其燥熱一也但有微甚耳余聞古之
方多一方而通治三消消者以其善消水穀而喜渴也

然叔世論消渴者多不知本其言消渴者上實熱而下虛冷上熱故煩渴多飲下寒故小便多本因下部腎水虛而不能制其上焦心火故上實熱而下虛冷又曰水數一為物之本五行之先故腎水者人之本命之元不可使之衰弱本不堅則枝葉不茂元氣不固則形體不容消渴病下部腎水極虛冷者更服寒藥則元氣轉虛而下部腎水轉衰則上焦心火尤甚而難治也但以暖藥補養元氣若下部腎水得實而勝退上焦心火則

自然心渴止小便如常而病愈也巧言似是於理實違者也誤已久矣或又謂腎與膀胱屬水虛則不能制火故小便多者愈失之遠矣彼謂水氣實者乃能制火虛則不能制火故陰虛而熱燥其液小便淋而常少陰實陽虛不能制水小便利而常多豈知消渴小便多者非謂此也蓋燥熱太甚而三焦腸胃之腠理怫鬱結滯緻密塞壅而水液不能滲泄浸潤於外榮養百骸故腸胃之外燥熱太甚雖復多飲於中終不能浸潤於外故

渴不止小便多出者知其多飲不能滲泄於腸胃之外
故數洩也 內經有言心肺氣厥而渴者有言肝痺而
渴者有言脾熱而渴者有言腎熱而渴者有言胃與大
腸熱結而渴者有言小腸痺熱而渴者有因病瘧而渴
者有因肥甘石藥而渴者有因醉醲入房而渴者有因
遠行勞倦逼而大熱而渴者有因傷害為胃乾而渴者
有因病風而渴者雖五臟之部分不同而病之所過各
異其為燥熱一也夫有謂心肺氣厥而渴者論曰心於

熱移肺傳為隔痛注曰心熱入肺久而傳化內為隔熱
痛渴多飲也所謂肝痺而渴者痺論曰肝痺者夜以多
驚多飲數小便如脾熱而渴者痿論曰脾氣熱則胃乾
而渴肌肉不仁發為肉痿所謂腎熱而渴者刺熱論曰
熱病者先腰痛脢酸苦渴數飲身熱熱論曰少陰脈實
腎絡於肺繫舌本故口燥舌乾而渴叔世惟言腎虛不
能制心火為上實熱而下虛冷以熱藥溫補腎欲令勝
退心火者未明陰陽虛實之道也夫腎水為陰而本寒

虛則為熱心火屬陽而本熱虛則為寒若腎陰虛則心火陽實是謂陽實陰虛而上下俱熱明已故氣厥論曰腎氣衰陽獨宣明五氣論曰腎惡燥由腎枯水涸臟氣時發論曰腎苦燥急食辛以潤之夫寒物屬陰能養水而瀉心熱物屬陽能養火而耗水今腎水既不勝心火則上下俱熱柰何以熱藥養腎水欲令勝心火豈不閤哉又如胃與大腸熱結而渴者陰陽別論二陽結為之瘃注曰二陽結胃及大腸俱熱結也腸胃藏熱善瘃水

穀又氣厥論曰大腸移熱於胃善食而瘦而脈要精微
論曰痺成為消中善食而瘦如脾痺而渴者數飲而不
得中氣喘而終時發飡泄夫數飲而不得中其大便必
不停留然則消渴數飲而小便多者止是三焦燥熱怫
鬱而氣衰也明矣豈可以燥熱毒藥助其強以伐衰陰
乎此真實實虛虛之罪也夫消渴者多變聲音瘡癰瘰
癧之數皆腸胃燥熱怫鬱水液不能浸潤於周身故也
或熱而膀胱怫鬱不能滲泄水以妄行而面上腫也如

小腸痺熱而渴者舉痛論曰熱氣留於小腸腸中痛痺
熱焦渴則便堅不得出矣注曰熱滲津液而小便堅矣
如言病瘧而渴者瘧論曰陽實則外熱陰虛則內熱外
內皆熱則喘渴故致飲冷也然陽實陰虛而為病熱法當
用寒藥養陰瀉陽是謂瀉實補衰之道也如因肥甘石
藥而渴者脾病論曰有口乾者病名為何岐伯曰此五
衰氣之所病溢名脾痺痺為熱也脾熱則四臟不稟故
五氣上因也先溢脾熱故脾痺又經曰五味入口藏於